

**MALAYSIA**  
**DEWAN RAKYAT**  
**ATURAN URUSAN MESYUARAT**

**NASKHAH SAHIH/BAHASA MALAYSIA**

<http://www.parlimen.gov.my>

**HARI SELASA, 7 OKTOBER 2014, PUKUL 10.00 PAGI**

**Bil. 29**

---

**PERTANYAAN-PERTANYAAN BAGI JAWAB LISAN**

1. PR-1323-L64138  
**Dato' Haji Irmohizam bin Haji Ibrahim [ Kuala Selangor ]** minta **PERDANA MENTERI** menyatakan sejauh manakah kadar pergerakan gaji atau pendapatan rakyat seiring dengan pergerakan kos hidup secara purata tahunan memandangkan Model Baru Ekonomi (MBE) menumpukan peningkatan pendapatan per kapita rakyat menjelang 2020 dan mempertingkatkan pendapatan golongan berpendapatan rendah serta sederhana rendah.
2. PR-1323-L65012  
**Dato' Seri Anwar bin Ibrahim [ Permatang Pauh ]** minta **PERDANA MENTERI** menyatakan apakah Kerajaan berpendapat dengan mendakwa sebilangan pemimpin Pakatan Rakyat termasuk beberapa orang Ahli Parlimen, aktivis dan cendekiawan dengan tuduhan menghasut (Akta Hasutan 1948) selaras dengan komitmen Perdana Menteri menjadikan Malaysia sebuah negara yang lebih demokratik.
3. PR-1323-L65289  
**Datuk Seri Panglima Haji Abdul Ghapur bin Haji Salleh [ Kalabakan ]** minta **MENTERI PENDIDIKAN** menyatakan :-
  - (a) apakah Kementerian akan mendedahkan kepada umum bagaimana dua kertas peperiksaan UPSR 2014 boleh bocor; dan
  - (b) apakah tindakan yang akan diambil ke atas mereka yang terlibat membocorkan kertas peperiksaan berkenaan.
4. PR-1323-L63602  
**Tuan Sim Tong Him [ Kota Melaka ]** minta **PERDANA MENTERI** menyatakan projek PRIMA yang diluluskan pada tahun 2014:-
  - (a) nyatakan lokaliti projek, bilangan unit rumah, jenis rumah dan harganya; dan

- (b) dalam projek yang diluluskan, anggaran tanggungan kewangan oleh PRIMA dan bagaimanakah dengan kerjasama kerajaan negeri, agensi kerajaan termasuk kerajaan tempatan.
5. PR-1323-L65312  
**Datuk Sapawi bin Ahmad Wasali [ Sipitang ]** minta **MENTERI KEWANGAN** menyatakan sejauh mana penerimaan rakyat terhadap langkah mentransformasikan sistem percukaian negara, terutama menerusi pengenalan cukai barangan dan perkhidmatan (GST).
6. PR-1323-L65092  
**Dato' Seri Abdul Hadi bin Awang [ Marang ]** minta **MENTERI LUAR NEGERI** menyatakan apakah pendirian rasmi Kerajaan terhadap pembetulan wilayah pemerintahan baru di bawah kawalan Islamic State of Iraq and the Levant (ISIL) sebagaimana yang diisytiharkan pada 29 Jun 2014 yang lalu.
7. PR-1323-L64588  
**Dato' Abd. Aziz bin Haji Sheikh Fadzir [ Kulim Bandar Baharu ]** minta **MENTERI KESIHATAN** menyatakan jangkitan denggi meningkat dan kian mengancam kehidupan rakyat, berapakah jumlah mangsa dan kes kematian terkini berbanding dengan tahun 2013 dan apakah langkah-langkah drastik yang diambil Kementerian untuk mengatasinya.
8. PR-1323-L65274  
**Tuan Tony Pua Kiam Wee [ Petaling Jaya Utara ]** minta **MENTERI PERDAGANGAN DALAM NEGERI, KOPERASI DAN KEPENGGUNAAN** menyatakan sama ada pihak peniaga perlu membayar yuran kepada PRISM (Performers Rights & Interest Society of Malaysia) sekiranya radio hanya dimainkan untuk hiburan sendiri dan segala siaran tidak melibatkan artis yang merupakan ahli PRISM.
9. PR-1323-L63939  
**Datuk Raime bin Unggi [ Tenom ]** minta **MENTERI KOMUNIKASI DAN MULTIMEDIA** menyatakan apakah rasional BERNAMA TV dijadikan saluran berita Bahasa Inggeris sepenuhnya menjelang tahun depan dan apakah nasib editor dan wartawan Meja Berita Berbahasa Melayu BERNAMA TV.
10. PR-1323-L63927  
**Tuan Nik Mohamad Abduh bin Nik Abdul Aziz [ Pasir Mas ]** minta **MENTERI BELIA DAN SUKAN** menyatakan tahap semasa Program Pengenalpastian Bakat (TID) dan berapakah jumlah pelaburan dalam menambah baik program tersebut.
11. PR-1323-L64147  
**Datuk Koh Nai Kwong [ Alor Gajah ]** minta **MENTERI KESIHATAN** menyatakan apakah modul standard untuk pelatih jururawat di hospital Kerajaan serta nyatakan apakah mekanisme untuk memastikan mereka mendapat latihan dan mempunyai pengalaman yang penuh semasa mereka habis tempoh latihan mereka.

12. PR-1323-L64271  
**Tuan Abdullah Sani bin Abdul Hamid [ Kuala Langat ]** minta **MENTERI SUMBER MANUSIA** menyatakan pindaan undang-undang yang dilaksanakan terhadap kebajikan pekerja dalam negara ini.
13. PR-1323-L65134  
**Dato' Sri Haji Abdul Azeez bin Abdul Rahim [ Baling ]** minta **PERDANA MENTERI** menyatakan apakah usaha Kerajaan dalam menangani isu-isu yang melibatkan perkauman memandangkan terdapat banyak kes-kes yang melibatkan hasutan terhadap agama dan bangsa.
14. PR-1323-L65181  
**Dato' Haji Mahfuz bin Omar [ Pokok Sena ]** minta **MENTERI PENGANGKUTAN** menyatakan :-
- (a) berapakah jumlah terkini saman dan kutipan bayaran saman melalui Sistem Penguatkuasaan Automatik (AES) sejak mula dikuatkuasakan hingga kini mengikut lokasi kamera AES dan nyatakan juga tunggakan bayaran saman AES. ; dan
  - (b) adakah Jabatan Pengangkutan Jalan (JPJ) masih mengendalikan sistem AES ini.
15. PR-1323-L64234  
**Tuan Haji Ahmad Lai bin Bujang [ Sibuti ]** minta **PERDANA MENTERI** menyatakan :-
- (a) adakah pihak kerajaan mempunyai pelan perancangan terperinci berkenaan untuk sistem pengangkutan awam bagi bandaraya-bandaraya utama seluruh Malaysia termasuk Wilayah Sarawak; dan
  - (b) adakah pihak kerajaan bercadang untuk memperkenalkan sistem bas rapid seperti Rapid Kuantan dan Rapid Penang untuk Sarawak.
16. PR-1323-L64903  
**Tuan Sim Tze Tzin [ Bayan Baru ]** minta **MENTERI PENDIDIKAN** menyatakan statistik kemasukan Sarjana Muda Perubatan IPTA tahun-tahun 2000 hingga 2014 mengikut kaum. Nyatakan sebab-sebab kuota/bilangan pengambilan dikurangkan pada tahun 2014 berbanding dengan tahun yang lalu.
17. PR-1323-L65250  
**Tan Sri Datuk Seri Panglima Joseph Pairin Kitingan [ Keningau ]** minta **MENTERI KESIHATAN** menyatakan sama ada Kementerian sedar atau tidak bahawa terdapat kekurangan doktor pakar jantung (Heart Specialist) dan peralatan kardiologi di negeri Sabah berbanding dengan negeri Sarawak dan kalau sedar, apakah langkah-langkah Kementerian untuk menangani masalah ini.

18. PR-1323-L63785  
**Dato' Takiyuddin bin Hassan [ Kota Bharu ]** minta **PERDANA MENTERI** menyatakan sejauh manakah langkah telah diambil oleh Kerajaan untuk melaksanakan pelantikan Ketua Pesuruhjaya SPRM mengikut Perlembagaan Persekutuan sebagaimana yang dicadangkan oleh Jawatankuasa Khas Mengenai Rasuah (JKMR).
19. PR-1323-L64594  
**Dato' Shamsul Anuar bin Haji Nasarah [ Lenggong ]** minta **PERDANA MENTERI** menyatakan tahap pencapaian Program Transformasi Kerajaan, ekonomi dan politik sehingga kini. Apakah manfaat yang diperoleh rakyat sehingga kini.
20. PR-1323-L63307  
**Puan Siti Zailah binti Mohd Yusoff [ Rantau Panjang ]** minta **MENTERI DALAM NEGERI** menyatakan usaha berkesan Kerajaan untuk membendung penyeludupan dadah dan senjata api serta bahan api melalui kawasan sempadan dan perairan Malaysia.
21. PR-1323-L63498  
**Datuk Nur Jazlan bin Mohamed [ Pulai ]** minta **MENTERI PENGANGKUTAN** menyatakan sama ada Kementerian bercadang untuk merangka Dasar Penerbangan Negara serta penubuhan Suruhanjaya Penerbangan Negara. Jika ada, bilakah ia akan dilaksanakan.
22. PR-1323-L64486  
**Dr. Tan Seng Giaw [ Kepong ]** minta **MENTERI PENDIDIKAN** menyatakan keadaan yang sebenarnya mengenai kebocoran kertas UPSR. Bagaimana penjenayah ini dapat diatasi.
23. PR-1323-L64960  
**Tuan Loke Siew Fook [ Seremban ]** minta **PERDANA MENTERI** menyatakan senarai penumpang VIP dalam pesawat pengangkut VIP Airbus A319CJ dengan pendaftaran 9M-NAA milik TUDM pada 27 Ogos 2014 untuk penerbangan dari KLIA ke Padang, Indonesia serta tujuan penerbangan tersebut dan butiran kos secara terperinci untuk keseluruhan penerbangan tersebut.
24. PR-1323-L64490  
**Tuan Gooi Hsiao-Leung [ Alor Setar ]** minta **MENTERI PENGANGKUTAN** menyatakan status siasatan Kerajaan ke dalam kemalangan MH17, iaitu sama ada pelaku yang menembak jatuh pesawat itu telah dikenal pasti, dan apakah tindakan undang-undang yang boleh diambil terhadap pelaku.
25. PR-1323-L64309  
**Tuan Haji Khalid bin Abdul Samad [ Shah Alam ]** minta **MENTERI KERJA RAYA** menyatakan adakah pihak kementerian bercadang untuk memansuhkan Tol Batu Tiga dan Sungai Rasah.

26. PR-1323-L63977  
**Tuan Lim Guan Eng [ Bagan ]** minta **PERDANA MENTERI** menyatakan sebab tindakan diambil di bawah Akta Hasutan sungguhpun telah diumumkan ia akan dimansuhkan. Bila ia akan dimansuhkan. Sekiranya tidak, mengapa. Siapa yang didakwa dan tuduhannya sejak 2008 dan mengapakah Presiden Perkasa tidak didakwa kerana mengugut hendak membakar Bible Bahasa Melayu.
27. PR-1323-L64666  
**Tuan Mohamed Azmin bin Ali [ Gombak ]** minta **MENTERI KEWANGAN** menyatakan apakah strategi 1Malaysia Development Berhad (1MDB) untuk memacu pertumbuhan ekonomi mampan dan menggalakkan kemasukan pelaburan langsung asing (FDI).
28. PR-1323-L64487  
**Dr. Tan Seng Giaw [ Kepong ]** minta **MENTERI PENDIDIKAN** menyatakan dasar terhadap universiti - universiti untuk mencapai tahap dunia. Apakah syarat untuk mencapai kemajuan ke tahap tersebut.
29. PR-1323-L64580  
**Tan Sri Dato' Seri Abd Khalid bin Ibrahim [ Bandar Tun Razak ]** minta **MENTERI KEWANGAN** menyatakan apakah jaminan yang akan diberi oleh Kerajaan bahawa penggunaan dana awam bernilai RM6 bilion dalam Pelan Pemulihan Syarikat Penerbangan Malaysia (MAS) akan dibentangkan secara terperinci dalam Parlimen serta akan membuahkan hasil seperti yang dijanjikan menjelang 2017 tanpa perlu suntikan dana baharu dan bukannya "bailout" yang hanya menguntungkan kroni.
30. PR-1323-L64364  
**Tuan Lim Kit Siang [ Gelang Patah ]** minta **PERDANA MENTERI** menyatakan sama ada beliau bercadang mengecilkan saiz kabinet bagi membolehkan pentadbiran yang lebih cekap. Jika tidak, sila nyatakan sebab.
31. PR-1323-L65304  
**Datuk Sapawi bin Ahmad Wasali [ Sipitang ]** minta **MENTERI KERJA RAYA** menyatakan kemajuan terkini Projek Pan-Borneo menghubungkan Sabah dan Sarawak dan apakah masalah dihadapi yang menyebabkan pelaksanaannya dilihat begitu perlahan.
32. PR-1323-L64405  
**Tuan Ignatius Dorell Leiking [ Penampang ]** minta **PERDANA MENTERI** menyatakan :-
- (a) adakah Kerajaan akan menubuhkan jawatankuasa Parlimen untuk membolehkan kajian semula mengenai Perjanjian Malaysia 1963 (yang sepatutnya dibuat setiap 10 tahun bermula pada 1973) dengan 18 & 20 Perkara pada tahun ini; dan
  - (b) dan jika ya, adakah keputusan jawatankuasa ini akan digunakan untuk mengemas kini dan membentuk Perlembagaan Malaysia yang baru.

33. PR-1323-L64007  
**Tuan Jeff Ooi Chuan Aun [ Jelutong ]** minta **MENTERI KEWANGAN** menyatakan berapakah jumlah pinjaman dan hutang 1MDB buat masa terkini. Berapa jumlah himpunan dana 1MDB yang kini disimpan di pasaran off-shore seperti Cayman Islands.
34. PR-1323-L63867  
**Dato' Ngeh Koo Ham [ Beruas ]** minta **MENTERI PENDIDIKAN** menyatakan apakah kriteria kelayakan untuk memasuki ke Universiti-Universiti Awam kerana setiap tahun terdapat aduan pelajar-pelajar yang mendapat keputusan yang lebih cemerlang dalam SPM, Matrikulasi dan STPM tidak diterima masuk mengikuti kursus-kursus pilihan mereka berbanding mereka yang diterima masuk untuk kursus-kursus berkenaan.
35. PR-1323-L63683  
**Dato' Mansor bin Othman [ Nibong Tebal ]** minta **PERDANA MENTERI** menyatakan bilangan agensi atau institusi yang pada asalnya diwujudkan di bawah mana-mana Kementerian tetapi dikorporatkan di bawah dasar penswastaan semenjak tahun 2008.
36. PR-1323-L64466  
**Tuan Ng Wei Aik [ Tanjong ]** minta **MENTERI LUAR NEGERI** menyatakan sebab-sebab golongan Islamic State of Iraq and Syria (ISIS) tidak dikutuk keganasan mereka oleh Kerajaan Malaysia sejak awal-awal lagi. Adakah Malaysia akan menyokong tindakan Amerika Syarikat dan sekutu-sekutunya untuk melancarkan serangan ke atas militan-militan ISIS.
37. PR-1323-L63941  
**Tuan M. Kulasegaran [ Ipoh Barat ]** minta **MENTERI PENDIDIKAN** menyatakan berikutan:-
- (a) RM580 juta telah diperuntukkan bagi program prasekolah dan penambahan jumlah bilangan prasekolah. Namun, data menunjukkan 65 peratus SJKT tiada prasekolah. Berapakah prasekolah telah dibina di SK, SJKTC, SJKT setakat ini; dan
  - (b) apakah rancangan jangka panjang Kementerian untuk mencapai 100% enrolmen prasekolah di semua sekolah.
38. PR-1323-L65058  
**Puan Teo Nie Ching [ Kulai ]** minta **MENTERI DALAM NEGERI** menyatakan jumlah kes rogol dan gangguan seksual sejak tahun 2005, orang yang didakwa, dan jumlah orang yang dihukum untuk kesalahan tersebut.
39. PR-1323-L64202  
**Dr. Michael Jeyakumar Devaraj [ Sungai Siput ]** minta **MENTERI LUAR NEGERI** menyatakan langkah-langkah yang telah diambil oleh Kerajaan Malaysia untuk menunjukkan ketidakpuasan kita terhadap sokongan yang diberi oleh Amerika Syarikat kepada Israel yang menjadikan Israel berani/angkuh sehingga menyerang dan membunuh rakyat Gaza.

40. PR-1323-L64747  
**Puan Kasthuriraani a/p Patto [ Batu Kawan ]** minta **PERDANA MENTERI** menyatakan mengapa Akta Hasutan masih belum dipinda, apakah usaha untuk memansuhkan akta tersebut dan apakah prinsip dan dasar yang akan digunapakai dalam Akta Keharmonian Nasional yang bakal menggantikan Akta Hasutan.
41. PR-1323-L65235  
**Dr. Hajah Siti Mariah binti Mahmud [ Kota Raja ]** minta **MENTERI KEWANGAN** menyatakan apakah langkah yang sedang diambil Kerajaan untuk mensifarkan rasuah dan pecah amanah di Jabatan Kastam.
42. PR-1323-L64109  
**Dr. Ong Kian Ming [ Serdang ]** minta **MENTERI DALAM NEGERI** menyatakan status siasatan Laporan Polis PUDU/004003/14 dan mengapa Ketua Pemuda UMNO Wilayah Persekutuan yang mengugut untuk membakar Ibu Pejabat DAP, Razlan Rafii, belum lagi disabit walaupun bukti terhadapnya telah dikemukakan.
43. PR-1323-L64902  
**Tuan Sim Tze Tzin [ Bayan Baru ]** minta **MENTERI KEWANGAN** menyatakan pelan Kerajaan untuk membayar balik hutang (government guaranteed debt) 1MDB yang mencecah RM38 bilion. Senaraikan semua nama pengurus dana (fund managers) yang menguruskan dana-dana 1MDB di Cayman Island.
44. PR-1323-L63337  
**Dr. Azman bin Ismail [ Kuala Kedah ]** minta **MENTERI PERTANIAN DAN INDUSTRI ASAS TANI** menyatakan jumlah lawatan rombongan meninjau industri pertanian ke Taiwan dan China di bawah Kementerian dan jumlah perbelanjaan lawatan-lawatan berkenaan. Bagaimanakah Kementerian mengukur kejayaan hasil lawatan tersebut.
45. PR-1323-L64031  
**Dr. Ko Chung Sen [ Kampar ]** minta **MENTERI DALAM NEGERI** menyatakan mengapa Pejabat Imigresen di Kampar telah ditutup selepas beroperasi selama tiga tahun dan adakah ini berkait dengan kekurangan peruntukan kewangan dan ketiadaan waran perjawatan bagi pegawai-pegawai yang diperlukan.
46. PR-1323-L64808  
**Tuan Gobind Singh Deo [ Puchong ]** minta **PERDANA MENTERI** menyatakan apakah tindakan yang akan diambil oleh Kerajaan selepas keputusan Mahkamah Rayuan dalam kes Teoh Beng Hock.
47. PR-1323-L63949  
**Tuan Er Teck Hwa [ Bakri ]** minta **MENTERI TENAGA, TEKNOLOGI HIJAU DAN AIR** menyatakan kandungan Sodium Klorida yang diambil dari loji-loji rawatan air di sepanjang Sungai Muar dengan pecahan lokasi sampel diambil, tarikh sampel dari 1hb sehingga 31hb Mac 2014. Nyatakan kaedah-kaedah dan alat-alat yang digunakan dan kadar kekerapan ujian air berkenaan yang dijalankan.

48. PR-1323-L64395  
**Puan Nurul Izzah binti Anwar [ Lembah Pantai ]** minta **PERDANA MENTERI** menyatakan :-
- (a) senarai projek PR1MA dan jumlah rumah yang sudah siap dibina mengikut negeri sehingga September tahun 2014.; dan
  - (b) jumlah rumah yang sudah dimiliki sehingga September tahun 2014.
49. PR-1323-L64032  
**Dr. Ko Chung Sen [ Kampar ]** minta **MENTERI KERJA RAYA** menyatakan perancangan untuk jalan susur keluar baru dari Lebuhraya Utara Selatan ke Kampar, termasuk jadual masa dan kos pembinaannya.
50. PR-1323-L65082  
**Dr. Mohd Hatta bin Md. Ramli [ Kuala Krai ]** minta **MENTERI PERDAGANGAN DALAM NEGERI, KOPERASI DAN KEPENGGUNAAN** menyatakan benarkah projek pengurusan subsidi petrol dibuat secara rundingan terus dengan syarikat Fuelsubs Sdn Bhd dan jika benar, mengapakah tiada tender terbuka dilaksanakan.
51. PR-1323-L63600  
**Dato' Kamarul Baharin bin Abbas [ Telok Kemang ]** minta **MENTERI PENDIDIKAN** menyatakan :-
- (a) berapakah jumlah sekolah yang telah mendapat kemudahan Frog Virtual Learning Environment VLE; dan
  - (b) setakat mana keberkesanan sistem Frog VLE ini mampu memberikan kesan pembelajaran yang baik kepada pelajar.
52. PR-1323-L64034  
**Dr. Ko Chung Sen [ Kampar ]** minta **MENTERI KEWANGAN** menyatakan mengapa Bank Negara Malaysia memperkenalkan yuran pemprosesan cek sebanyak RM0.50 yang akan meningkatkan kos menjalankan perniagaan sebanyak RM100 juta, padahal bank-bank melaporkan keuntungan tahunan berbilion ringgit.
53. PR-1323-L64723  
**Tuan Teo Kok Seong [ Rasah ]** minta **MENTERI KESIHATAN** menyatakan secara terperinci mengenai langkah jangka masa panjang untuk memastikan nasib setiap pesakit Lisosomal (Lysosomal Diseases) terbela.
54. PR-1323-L65075  
**Tuan Masir Kujat [ Sri Aman ]** minta **MENTERI PENDIDIKAN** menyatakan apakah status permohonan Pemindahan SK Bakong ke tapak baru setelah didapati sekolah yang ada telah uzur dan sering mengalami banjir.



55. PR-1323-L64078  
**Dr. Che Rosli bin Che Mat [ Hulu Langat ]** minta **MENTERI KEWANGAN** menyatakan :-
- (a) jumlah terkini penerima BRIM yang diberi perlindungan insurans Takaful dan kos yang terlibat; dan
  - (b) apakah jenis insurans Takaful yang diambil serta bagaimana cara membuat tuntutan sekiranya berlaku kematian.
56. PR-1323-L63368  
**Datuk Joseph Salang anak Gandum [ Julau ]** minta **MENTERI PERTAHANAN** menyatakan pecahan kakitangan Angkatan Tentera Malaysia (ATM) mengikut etnik dan pangkat.
57. PR-1323-L64996  
**Datuk Madius Tangau [ Tuaran ]** minta **MENTERI PENDIDIKAN** menyatakan berapakah bilangan sekolah dan bilangan pelajar yang mengambil mata pelajaran "Bible Knowledge" di peringkat SPM pada tahun 2013 dan bagaimanakah prestasi pencapaiannya.
58. PR-1323-L64656  
**Datuk Seri Noh bin Haji Omar [ Tanjong Karang ]** minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan adakah Kerajaan bercadang untuk membina semula rumah-rumah yang terbakar dengan kerjasama Bomba dan masyarakat setempat secara gotong royong. Sekiranya ada bilakah program ini akan dilaksanakan.
59. PR-1323-L64826  
**Tuan Shamsul Iskandar bin Mohd Akin [ Bukit Katil ]** minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan :-
- (a) berapakah jumlah balai serta anggota bomba yang terdapat di dalam Parlimen Bukit Katil serta adakah perkhidmatan bomba ini mencukupi dengan mengambil kira kepadatan penduduk; dan
  - (b) adakah Kementerian bercadang untuk membina balai bomba yang baru bagi menampung keperluan kependudukan dan menangani pertambahan tugas serta pelbagai tanggungjawab pasukan bomba.
60. PR-1323-L64471  
**Tuan Lim Lip Eng [ Segambut ]** minta **MENTERI KEWANGAN** menyatakan adakah pelaksanaan Cukai Barangan dan Perkhidmatan 2014 (GST) pada April 2015 dapat ditangguhkan sementara waktu memandangkan dasar Kerajaan untuk menjadikan Malaysia negara berpendapatan tinggi belum tercapai dan majoriti peniaga kecil masih tidak mampu untuk membeli 'software' komputer yang dikehendaki untuk menghitung GST.

61. PR-1323-L63953  
**Tuan Er Teck Hwa [ Bakri ]** minta **MENTERI KESEJAHTERAAN BANDAR, PERUMAHAN DAN KERAJAAN TEMPATAN** menyatakan tarikh penutupan Tapak Pelupusan Sampah Bukit Bakri. Berapakah peruntukan yang telah digunakan untuk penaiktarafan tapak sampah tersebut dan apakah fasiliti yang telah dibina. Apakah rancangan untuk pemulihan alam sekitar yang akan dijalankan untuk tapak berkenaan.

**PADA PERMULAAN URUSAN MESYUARAT**  
**MENGEMUKAKAN RANG UNDANG-UNDANG KERAJAAN**  
**UNTUK BACAAN KALI YANG PERTAMA**

1. **Menteri Kewangan**

- \* Rang Undang-undang Perbekalan 2015

2. **Menteri Kewangan**

- \* Rang Undang-undang Tatacara Kewangan (Pindaan) 2014

3. **Menteri Kewangan**

- \* Rang Undang-undang Kumpulan Wang Amanah Negara (Pindaan) 2014

4. **Menteri Kewangan**

- \* Rang Undang-undang Wang Tak Dituntut (Pindaan) 2014

5. **Menteri Kewangan**

- \* Rang Undang-undang Kumpulan Wang Pinjaman Perumahan (Pindaan) 2014

6. **Menteri Dalam Negeri**

- \* Rang Undang-undang Penjara (No. 2) (Pindaan) 2014

---

\*Menandakan bahawa Rang Undang-undang ini akan dibawa pada semua peringkat di mesyuarat ini.

**ATURAN URUSAN MESYUARAT DAN USUL-USUL**

- |    |               |   |                               |
|----|---------------|---|-------------------------------|
| 1. | (D.R. 9/2014) | Rang Undang-Undang Lembaga Hasil Dalam Negeri Malaysia (Pindaan) 2014 | <b>Bacaan Kali Yang Kedua</b> |
|----|---------------|---|-------------------------------|

**[ Menteri Kewangan ]**

- |    |              |   |   |
|----|--------------|---|---|
| 2. | (D.R 8/2014) | Rang Undang-Undang Suruhanjaya Koperasi Malaysia (Pindaan) 2014 | “ |
|----|--------------|---|---|

**[Menteri Perdagangan Dalam Negeri, Koperasi dan Kepenggunaan]**

3. **Menteri Kewangan** akan mencadangkan:-

“Bahawa Dewan ini, mengikut peruntukan subperenggan 8(3)(a)(iv) Akta Tatacara Kewangan 1957 [Akta 61], mengambil ketetapan bersetuju supaya Kerajaan Malaysia melalui Menteri Kewangan (Diperbadankan), membuat pelaburan dengan menukarkan pinjaman Kerajaan Malaysia sebanyak RM400 juta kepada Malaysia Debt Ventures Berhad (MDV), sebuah syarikat yang dimiliki oleh Menteri Kewangan (Diperbadankan) kepada ekuiti bersamaan dengan Empat Ratus Juta (400,000,000) unit saham biasa pada nilai RM1 bagi satu unit saham”.

4. PR-1323-U63530

**Datuk Dr. Makin @ Marcus Mojigoh [ Putatan ]** akan mencadangkan:-

"Bahawa Dewan ini mengambil maklum bahawa, ketiadaan "Standby Generator" di Klinik Kesihatan Putatan telah menimbulkan banyak kerumitan kepada pengguna dan pengendali Klinik Kesihatan Putatan. Dan mengambil maklum juga, bahawa dengan kekerapan gangguan bekalan elektrik yang dihadapi oleh Negeri sabah pada ketika ini, ada kalanya klinik tersebut tidak dapat berfungsi sehingga beberapa jam sehari dan dikhuatiri akan mendatangkan kemudaratan dalam kes kecemasan. Dan mengambil maklum juga bahawa, para pengguna Klinik Kesihatan Putatan bukan sahaja yang datang daripada daerah Putatan tetapi juga dari kawasan berdekatan seperti Tanjung Aru, Kepyau, Petagas dan Kinarut. Dan mengambil maklum juga bahawa, selain keadaan gelap gelita dan kelim kabut ketika berlaku gangguan bekalan elektrik, ianya juga membuatkan rakyat mula merungut tentang mutu perkhidmatan kesihatan yang disediakan oleh pihak Kementerian. Maka, bagi mengatasi masalah, Dewan ini hendaklah mengambil ketetapan bahawa, pihak Kementerian hendaklah memasang "Standby Generator Set" bagi Klinik Kesihatan Putatan."

**[Kementerian Kesihatan]**

5. PR-1323-U63531

**Datuk Dr. Makin @ Marcus Mojigoh [ Putatan ]** akan mencadangkan:-

"Bahawa Dewan ini mengambil maklum bahawa, gangguan bekalan elektrik di negeri Sabah kian menjadi-jadi di mana dikatakan daripada tahap teruk kepada tahap parah".Dan mengambil maklum juga, bahawa setiap kali gangguan bekalan elektrik berlaku, terdapat banyak rungutan dari kalangan rakyat mengenai dengan kerugian daripada segi produktiviti, hasil dan juga kerosakan harta benda. Dan mengambil maklum juga bahawa setiap gangguan bekalan elektrik berlaku, wakil rakyat akan diburu dan dipersalahkan. Dan mengambil maklum juga bahawa, kenyataan demi kenyataan oleh pihak berwajib bahawa gangguan bekalan elektrik di negeri Sabah akan dapat diatasi tetapi sehingga kini gangguan bekalan elektrik tetap berlaku malah semakin kerap. Maka, demi untuk kesejahteraan rakyat, Dewan ini hendaklah mengambil ketetapan bahawa, pihak Kementerian mengambil satu tindakan yang drastik jangka pendek dan jangka panjang bagi mengatasi masalah gangguan bekalan elektrik di negeri Sabah. "

**[Kementerian Tenaga, Teknologi Hijau dan Air]**

6. PR-1323-U63540

**Datuk Dr. Makin @ Marcus Mojigoh [ Putatan ]** akan mencadangkan:-

"Bahawa Dewan ini mengambil maklum bahawa, sejak akhir-akhir ini, terdapat banyak seruan untuk membawa negeri Sabah dan Sarawak keluar daripada Persekutuan Malaysia. Dan mengambil maklum juga, bahawa seruan ini adalah kononya berikutan dengan ketidakpuasan hati segelintir rakyat di kedua-dua negeri ini mengenai dengan isu-isu seperti royalti minyak, tarikh kemerdekaan, pengagihan dana pembangunan serta status ekonomi Bumiputera Negeri Sabah dan Sarawak. Dan mengambil maklum juga bahawa, dalam kes negeri Sabah, Isu Pembentangan Laporan Suruhanjaya Siasatan Diraja mengenai pendatang asing tanpa izin yang dikatakan dilengah-lengahkan serta banjir pendatang asing tanpa izin ke negeri Sabah yang dikatakan telah menggugat keselamatan negara, telah memburukkan lagi keadaan. Dan juga mengambil maklum bahawa, sentimen Anti-Persekutuan dan sentimen Anti Sabah dan Sarawak yang dimainkan oleh segelintir pihak kini kian merebak dengan serius dan, ini kalau tidak ditangani dengan kadar segera akan menyebabkan kacau bilau dan menggugat keharmonian negara. Serta mengambil maklum juga bahawa, terdapat juga kenyataan-kenyataan pemimpin Kerajaan, NGO dan orang perseorangan yang dianggap kurang sensitif kepada perasaan penduduk negeri Sabah dan Sarawak. Maka, bagi menangani masalah ini, Dewan ini hendaklah mengambil ketetapan bahawa, Kerajaan hendaklah mengambil tindakan tegas kepada mereka yang bertanggungjawab, sama ada dari pihak awam, NGO, pemimpin Kerajaan dan pembangkang agar sentimen Anti-Persekutuan serta anti Sabah dan Sarawak dapat dibendung. Kerajaan juga hendaklah bertindak untuk menutup mana-mana laman sosial yang telah dibuktikan terlibat dalam gejala ini."

**[Kementerian Dalam Negeri]**

7. PR-1323-U63554

**Datuk Dr. Makin @ Marcus Mojigoh [ Putatan ]** akan mencadangkan:-

"Bahawa Dewan ini mengambil maklum bahawa, kemalangan yang melibatkan maut terutama sekali kenderaan awam kian meningkat kerana disebabkan oleh pemanduan laju. Dan mengambil maklum juga, bahawa kadar kemalangan ini meningkat terutama sekali dalam musim perayaan di mana para pengusaha dan pemandu kenderaan pengangkutan awam cuba memaksimumkan keuntungan dengan tanpa menghiraukan keselamatan penumpang. Dan mengambil maklum juga bahawa, pihak berkuasa seperti Suruhanjaya Pengangkutan Awam Darat, Jabatan Pengangkutan Jalan dan Polis Diraja Malaysia menghadapi kekangan kekurangan tenaga anggota serta jarak untuk menguatkuasakan had laju. Dan mengambil maklum juga bahawa, kuasa pengguna (penumpang) kenderaan pengangkutan awam boleh membantu pihak berkuasa untuk menentukan had laju kenderaan yang mereka tumpang dengan menegur pemandu tersebut apabila mereka melepasi had laju yang dibenarkan. Dan mengambil maklum juga bahawa pemasangan meter kelajuan kedua serta alat penggera di dalam kenderaan pengangkutan awam akan membolehkan para penumpang menyedari bahawa kenderaan yang mereka naiki telah melepasi had laju yang dibenarkan dan sekali gus menegur si pemandu tadi dan ini dapat mengelakkan kemalangan daripada berlaku. Maka, bagi menangani masalah kemalangan yang disebabkan oleh pemanduan laju, dewan ini hendaklah mengambil ketetapan bahawa, semua kenderaan pengangkutan awam hendaklah dipasang dengan meter kelajuan kedua dan alat penggera. "

**[Perdana Menteri]**

8. PR-1323-U63967

**Tuan M. Kulasegaran [ Ipoh Barat ]** akan mencadangkan:-

"Bahawa Dewan ini mengambil maklum bahawa Kerajaan telah gagal untuk perhatin terhadap situasi pemerdagangan manusia dan mengambil tindakan dalam kes-kes pemerdagangan manusia sehingga Malaysia telah turun gred sehingga ke Tahap 3 (Tier 3) seperti yang dilaporkan oleh Kerajaan Amerika Syarikat dalam Laporan Pemerdagangan Orang 2014 (Trafficking in Persons Report 2014 ). Dalam keadaan ini Dewan ini mengarah Perdana Menteri mengambil tindakan untuk mengatasi masalah ini dengan segera."

**[Kementerian Dalam Negeri]**

9. PR-1323-U64509

**Dr. Tan Seng Giaw [ Kepong ]** akan mencadangkan:-

"Bahawa Dewan ini membahaskan dasar dan langkah untuk mencegah ekstremisme di Malaysia. "

**[Kementerian Dalam Negeri]**

10. PR-1323-U64511

**Dr. Tan Seng Giaw [ Kepong ]** akan mencadangkan:-

"Bahawa Dewan ini membincangkan dasar perubahan iklim."

**[Kementerian Sumber Asli dan Alam Sekitar]**

11. PR-1323-U65224

**Tuan Manivanan a/l Gowindasamy [ Kapar ]** akan mencadangkan:-

"Bahawa Dewan ini mempertimbangkan cadangan untuk kes kematian di bawah tahanan Polis Di Raja Malaysia, keluarga si mati diberi kebenaran sepenuhnya untuk memperoleh Pakar Perubatan Forensik sendiri bagi mewakili pihak keluarga si mati semasa bedah siasat dijalankan"

**[Kementerian Dalam Negeri]**

12. PR-1323-U65226

**Tuan Manivanan a/l Gowindasamy [ Kapar ]** akan mencadangkan:-

"Bahawa Dewan ini mendesak agar pendidikan agama diperkenalkan di sekolah kepada pelajar bukan Islam sebagai langkah untuk menerapkan nilai-nilai murni dan keagamaan di kalangan pelajar bukan Islam bagi menangani gejala sosial yang kian meningkat dan berleluasa akibat daripada kegagalan sistem pendidikan di Malaysia."

**[Kementerian Pendidikan]**